

Bráðabirgðagjaldskrá þessi staðfestist hér með samkvæmt vatnalögum, nr. 15 37
20. júní 1923, og raforkulögum nr. 12 2. apríl 1946, til þess að öðlast gildi þegar í 5. marz
stað og birtist til eftirbreytni öllum þeim, sem hlut eiga að máli.

Atvinnumálaráðuneytið, 5. marz 1949.

Bjarni Ásgeirsson.

Dorv. K. Þorsteinsson.

Staðfesting forsetans á skipulagsskrá fyrir „Styrktarsjóð kennara við Kvenna- 38
skólann í Reykjavík“, útgefin á venjulegan hátt að mandatum af dómsmálaráð- 8. marz
herra 8. marz 1949.

Skipulagsskráin er þannig:

SKIPULAGSSKRÁ

fyrir Styrktarsjóð kennara við Kvennaskólann í Reykjavík.

1. gr.

Sjóðurinn heitir Styrktarsjóður kennara við Kvennaskólann í Reykjavík og er stofnaður með dánargjöf Ingibjargar H. Bjarnason, forstöðukonu kvennaskólans, samkvæmt erfðaskrá hennar, dags. 17. júlí 1935.

2. gr.

Stjórn sjóðsins skal skipuð forstöðukonu Kvennaskólans í Reykjavík og tveimur starfandi kennurum við skólann. Ef einhver af sjóðsnefndarmönnum deyr, hættir störfum við skólann eða gengur úr sjóðstjórninni með öðrum hætti, kjósa hinir, sem eftir eru, mann í stjórnina í hans stað. Um skipun hinnar fyrstu stjórnar sjóðsins eru það þó fyrirmæli stofnanda sjóðsins, að Ragnheiður Jónsdóttir, núverandi forstöðukona skólans, skuli eiga sæti í sjóðstjórninni og vera formaður hennar, meðan hún lifir, og að hún skuli einnig velja meðstjórnendur sína meðan hennar nýtur við.

3. gr.

Sjóðstjórnin skal sjá um ávöxtun höfuðstóls sjóðsins og skal hann ávaxtaður í tryggum verðbréfum, sem ábyrgð ríkissjóðs fylgir og að einhverju leyti í Útborgunardeild Söfnunarsjóðs Íslands, eftir því sem við verður komið.

Reikningsár sjóðsins er almanaksárið og skal sjóðstjórnin árlega birta reikninga hans í Lögbirtingablaðinu.

4. gr.

Höfuðstól sjóðsins má aldrei skerða. Þar til höfuðstóllinn er orðinn 25000 — tuttugu og fimm þúsund — krónur skal leggja alla vexti af sjóðnum við höfuðstóllinn. Síðan skal leggja $\frac{1}{2}$ vextina með höfuðstóllinn, þar til hann nemur 50000 — fimmtíu þúsund — krónum, þá skal leggja $\frac{1}{3}$ vaxtanna við þar til sjóðurinn er orðinn 75000 — sjötti og fimm þúsund — krónur, en úr því $\frac{1}{4}$ vaxtanna þar til höfuðstóllinn er kominn upp í 100000 — eitt hundrað þúsund — krónur. Eftir það skal jafnan leggja $\frac{1}{10}$ vaxtanna við höfuðstóllinn.

5. gr.

Þeim hluta af vöxtum sjóðsins, er ekki skal lagður við höfuðstól hans samkv. 4. gr., skal varið til að styrkja þá af kennurum Kvennaskólans í Reykjavík, sem hafa

38 starfað við skólann tuttugu ár eða lengur, en eru hættir kennslustörfum við skólann
8. marz og eru svo efnalitlir, að sjóðstjórnin álitur þá styrks þurfandi, án þess þó að þeir séu á sveitarframfæri.

6. gr.

Umsóknir um styrk úr sjóðnum ber að senda formanni sjóðstjórnar í byrjun desembermánaðar og fer úthlutun styrksins fram hinn 14. desember ár hvert, þegar um styrkúthlutun er að ræða.

Lágmark veitts styrks sé 300 — þrjú hundruð — krónur á ári og skal styrk þegi, sem einu sinni hefur hlotið styrk úr sjóðnum, ganga, að óbreyttum fjárhags- ástæðum hans, fyrir öðrum, er sækja um styrk úr sjóðnum.

7. gr.

Þegar höfuðstóll sjóðsins er orðinn 100000 — eitt hundrað þúsund — krónur eða meira, skal sjóðstjórnin verja nokkrum hluta af ársvöxtum hans til þess að styrkja námsmey, eina eða fleiri, er lokið hafa fullnaðarprófi við Kvennaskólann í Reykjavík með dugnaði, til framhaldsnáms erlendis, náms, er sjóðstjórnin telur þarft og álitur umsækjanda hafa góða hæfileika til. Þær námsmeyjar ganga fyrir um styrk, er líklegastar teljast til þess að starfa við skólann að afloknu framhaldsnámi.

8. gr.

Komi það fyrir eitthvert ár, að ekki sé veittur neinn styrkur úr sjóðnum eða eigi svo hár styrkur, sem heimilað er í 4. gr., skulu vextir þeir, sem ekki var úthlutað, lagðir við höfuðstólinn.

9. gr.

Leggist Kvennaskólinn í Reykjavík niður um skemmri eða lengri tíma, skal sjóðurinn hverfa í vörzlu kennslumálaráðuneytisins og skal það ávaxta hann, samkvæmt 3. gr., þangað til skólinn tekur aftur til starfa eða annar hliðstæður kvennaskóli í Reykjavík, er veitir ungum stúlkum kennslu til munns og handa, álika eða meiri en hinn núverandi kvennaskóli gerir og gilda þá ákvæði skipulagsskrár þessarar um stjórn og meðferð sjóðsins og styrkveitingar úr honum.

10. gr.

Leita skal staðfestingar forseta Íslands á skipulagsskrá þessari.

39 Staðfesting forsetans á skipulagsskrá fyrir „Minningarsjóð Gunnlaugs Þorsteins-
8. marz sonar læknis“, útgefin á venjulegan hátt að mandatum af dómismálaráðherra 8. marz 1949.

SKIPULAGSSKRÁ

fyrir Minningarsjóð Gunnlaugs Þorsteinssonar læknis.

1. gr.

Sjóðurinn heitir Minningarsjóður Gunnlaugs Þorsteinssonar læknis.

2. gr.

Sjóðurinn er myndaður af framlagi Jóns Þorsteinssonar fulltrúa, bróður Gunnlaugs sáluga, og nokkurra borgara í Þingeyrarlæknishéraði. Sjóðurinn er að upphæð kr. 12164.90.